

世

本



世

本

宋 袁 注  
菲 洋 林 輯

中  
華  
書  
局

85122

叢書集成初編

世 本

中 華 書 局 出 版 發 行

(北京王府井大街三十六號)

秦 皇 島 市 資 料 印 刷 廠 印 刷  
一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一  
統 一 書 號：一 七 〇 一 八 · 一 五 一

此據十種古逸書  
本排印初編各叢  
書僅有此本

世  
本

世本十五篇。見漢藝文志。蓋古史官所記也。其書舊目不可復得。今可識者。世本有帝繫篇。見書序正義。又釋元應一切經音義二十三。有世本本紀。見春秋穀梁襄二十五年疏。史三代世表索隱。左襄二十一年正義引世本記。記紀同也。有世本世家。見左桓三年閔二年襄二十一年二十九年定元年正義。史田齊世家索隱。有傳。見史魏世家索隱。有譜。見隋經籍志。又有姓氏篇。見左隱十一年正義及史秦本紀集解。有居篇。見史吳世家魏世家索隱。有作篇。見周禮及禮記鄉注。禮正義亦云世本有作篇。又常有謚法一篇。見沈約謚法序。故司馬遷作史記。多依用之。然春秋正義云。今之世本。與遷言多有不同。如世本陳無利公。見左桓十一年正義。韓無列侯。趙無武公。田齊無悼子及侯刻。見史索隱。大抵秦火之餘。轉寫訛脫。孔穎達諸儒得此失彼。往往以爲未可據信。其實非原書之失也。至如世本無有陽國。見左閔二年正義。世本無魏君名諡。稱君號諡。并見左襄二十九年正義。杜預釋例引世本無許叔。皆晉唐人所見之本。雖非原書。然猶可想見此書之舊。又如史夏本紀索隱引世本姒姓。不云彤城及褒。殷本紀索隱引世本子姓無稚氏。孔子世家索隱引世本無漆姓。亦並足與後來氏姓之書互相取證。王應麟讀孟子注。謂可備參考。良有以也。他如世本琵琶不載作者引見初學記引傅元琵琶賦序。則世本作篇之所載者不可不知。其書至宋已不傳。國朝錢大昭嘗據書傳所引。集爲作篇。居篇。氏姓篇。王侯大夫譜。共四篇。孫馮翼復據諸書補其未備。刊載問經堂叢書中。然其中失載者亦夥。至孫星衍所藏淡生堂抄輯世本二卷。洪

脩孫所編世本四卷。外間俱未之見。江都秦嘉謨因其書作世本輯補刊行。而所補者類皆司馬遷章昭杜預之說。注欠分曉。多與世本原文相汨。轉覺世本一書蕩然無復畧界矣。泮林輯爲此書。與秦同時。繼聞秦書刊行。遂置不錄。而又終恐後日之以似失真也。爰仍據所輯舊稿。釐爲六卷。錄成一編。并附纂證法數條於後。庶幾周秦以上之書。可藉是以傳其舊。且其中尤有補秦書之所未備者。考古者或有取焉。爾道光元年冬十月高郵茆泮林識。

# 世本諸書論述

漢 宋 衷注  
清 莊泮林輯

尙書序正義曰。大戴禮。帝繫出於世本。

周禮。瞽矇誦詩。世奠繫。鄭元注曰。世之而定其繫。謂書於世本也。

周禮。小史掌邦國之志。定繫世。辨昭穆。鄭元注曰。帝繫世本之屬。孔穎達疏。天子謂之帝繫。諸侯謂之世本。

漢書藝文志。世本十五篇。古史官記黃帝以來迄春秋時諸侯大夫。

漢書梅福傳。綏和元年。以世本相明封孔子世。

漢書司馬遷傳贊曰。孔子因史記而作春秋。而左邱明論輯其本事以爲之傳。又纂異同爲國語。又有世本。錄黃帝以來至春秋時帝王公侯卿大夫祖世所出。春秋之後。七國並爭。秦兼諸侯。有戰國策。漢

興。代秦定天下。有楚漢春秋。故司馬遷據左氏國語。采世本戰國策楚漢春秋。接其後事。案史集解索隱正義序多引之。

世 本

一

後漢書班彪傳漢書略論曰唐虞三代世有史官以司典籍暨於諸侯國自有史故定哀之間左邱明論集其文作左傳三十篇又撰國語二十篇又有記錄黃帝以來至春秋時帝王公侯卿大夫號曰世本一十五篇春秋之後則有戰國策三十三篇漢興陸賈作楚漢春秋九篇孝武之世太史令司馬遷采左氏國語刪世本戰國策據楚漢列國時事上自黃帝下迄僂鱗作本紀世家列傳書表凡百三十篇。

又曰夫百家之書猶可法也若左氏國語世本戰國策楚漢春秋太史公書今之所以知古後之所由觀前聖人之耳目也。

韋昭國語解序曰以世本攷其流。

隋書經籍志世本王侯大夫譜二卷世本二卷劉向撰世本四卷宋衷撰。

案史記集解序索隱引劉向曰世本古史官明於古事考之所記也錄黃帝以來帝王諸侯及卿大夫系譜名號凡十五篇據此蓋別錄之文當是秦火之餘劉向從校書機錄出非即劉向撰也又案王應麟玉海五十亦曰司馬遷已采世本恐非向撰若宋衷則世本

之撰  
注者

又曰漢初得世本叙黃帝以來祖世所出。



舊唐書經籍志。世本四卷。宋衷撰。世本別錄一卷。帝譜世本七卷。宋均注世本譜二卷。新唐書藝文志。宋衷世本四卷。別錄一卷。宋均注帝譜世本十卷。王氏注世本譜二卷。

王應麟玉海四十七。藝文志唐十三類史錄譜牒類。世本至著姓略記十七家。三十九部。一千六百一十七卷。又案唐六典史類十二曰譜系以紀氏族繼序世本等四十一部。三百六十卷。譜牒之書以世本爲首。

劉知幾史通曰。帝王苗裔。公侯子孫。餘慶所宗。百世無絕。能言吾祖。郊子見師於孔公。不識其先。籍談取諂於姬后。故周撰世本。式辨諸宗。楚置三閭。實掌王族。

春秋左傳孔穎達正義曰。杜君采太史公書世本。旁引傳記。以爲世族譜。略記國之興滅。又曰。杜據世本史記。作世族譜。說諸國滅亡之年。

柳冲進姓族系錄表曰。姓氏之初。世本著其義。昭穆之敘。周譜列其風。

柳芳族譜總論曰。氏族者。古史官所記也。昔周小史定繫世。辨昭穆。故古者有世本。錄黃帝以來至春秋時諸侯卿大夫名號。繼統。秦既滅學。諸侯子孫失其本系。漢興。司馬遷父子乃約世本修史記。因周譜明世家。乃知姓氏之所由。

歐陽修帝王世次圖序曰。司馬遷作本紀。出於大戴禮世本諸書。今依其圖而考之。堯舜夏商周。同出黃帝。

劉恕通鑑外紀。世本經秦歷漢。儒者改易。

鄭樵通志氏族略序曰。凡言姓氏者。皆本世本公子譜二書。二書皆本左傳。

王應麟漢志攷引顏之推云。世本左邱明所作。此說出皇甫  
謐帝王世紀而有燕王喜漢高祖。非本文也。顏說見家  
訓證篇

王應麟玉海五十引晁氏志云。唐張九齡撰姓源韻譜。依春秋正典世本圖。摭摭諸書。纂爲此譜。分四聲。以便尋閱。

# 帝王世本

案周禮瞽瞍世寔繫注引杜子春云繫謂帝繫諸侯卿大夫世本之屬是也元謂世之而定其繫謂書於世本也疏謂後鄭以世與繫爲一事解之對文言之王謂之帝繫諸侯卿大夫謂之世本散則通故云書於世本世本卽帝王繫也故今輯爲帝王世本諸侯世本卿大夫世本

## 黃帝

案書正義世本以黃帝爲首史正義世本以黃帝顓頊帝粵唐堯虞舜爲五帝史正義索隱又引孫氏注世本以伏羲神農黃帝爲三皇以少昊顓頊高辛唐虞爲五帝孫氏未知何時人今輯依黃帝爲首改路史後祀生有引世本尊虞氏在伏羲後之文案爾不錄而以諸書所引世本少緯文敘錄於次

注號有熊者以其本是有熊國君之子故也亦號軒轅氏

史五帝本紀索隱單行本

黃帝娶於西陵之女謂之嫫祖產青陽及昌意

山海經海內經注

黃帝娶西陵氏女爲妃名嫫祖

廣韻十一齊注

少皞。

少皞是黃帝之子。左昭元年正義金天氏少皞。全上青陽即是少皞。黃帝之子。代黃帝而有天下。號曰金天氏。左昭十七

年正少昊名摯。路史後紀注少昊。黃帝之子。名契。字青陽。黃帝沒。契立。王以金德。號金天氏。同度量。調律呂。封

泰山。作九泉之樂。以鳥紀官。全上

宋衷曰。元囂青陽。即少昊也。史五帝本紀案隱又曰。元囂青陽。是為少昊。繼黃帝而立者。而史不敘。蓋少昊金

德王。非五運之次。故敘五帝。不數之也。全上。三代世表引同無而史不敘四字

顓頊。

顓頊是黃帝之孫。左昭元年正義黃帝生昌意。昌意生顓頊。山海經海內經注昌意生高陽。是為帝顓頊。顓者專也。頊者

正也。言能專正天之道也。玉篇頁部。案顓者專也。下似非本文

宋衷曰。顓頊名高陽。有天下號也。史五帝本紀案隱。

顓頊母濁山氏之子。名昌僕。山海經海內經注。顓頊娶於滕墳氏之子。謂女祿。是生老童。山海經大荒西經注。御覽一百三十五。

宋衷曰。滕墳。國名。御覽全上。路史國名紀引宋衷注作勝奔。

顓頊生偁。偁生卷章。路史核紀注。高陽生稱。稱生卷章。卷章生黎。左襄二十九年正義。老童娶於根水氏。謂之騶福。生重

及黎。山海經大荒西經注。鄂名世姓氏書辨證引老童妻根水氏女。路史核紀注引根水作根水。元和姓纂二十五卷引老童妻安是女。老童生重黎及吳回。史楚世家集解。索隱單行水引老童生重黎。

陸終六子。附。

陸終娶鬼方氏之妹。謂之女隤。是生六子。孕三年。啓其左脅。三人出焉。破其右脅。三人出焉。水經清水注。

注。鬼方於漢。則先零戎是也。文選趙充國頌注。

其一曰樊。是爲昆吾。昆吾者衛是也。史遷世家第解引下一語。索隱引上三語。下併同。今據水經清水注引鄭人條併爲一。

宋衷曰。昆吾國名。己姓所出。

史楚世家索隱下併同。

二曰惠連。是為參胡。參胡亦韓是也。

宋衷曰。參胡。國名。斯姓。無後。

三曰錢鏗。是為彭祖。彭祖者彭城是也。

姓錢。名鏗。在商為守藏吏。在周為柱下史。壽八百歲。

莊子釋文論語正義。

四曰求言。是為會人。會人者鄭是也。

水經清水注引求言作兼言。

宋衷曰。求言。名也。妘姓所出。鄭國也。

其五曰安。是為曹姓。曹姓者邾是也。

宋衷曰。安。名也。曹姓者。諸曹所出也。

六曰季連。是為芈姓。芈姓者楚是也。

宋衷曰。季連名也。非姓。諸楚所出。楚之先。

帝嚳。

嚳。黃帝之曾孫。路史後紀注。

帝嚳卜其四妃之子。皆有天下。上妃有郤氏之女。曰姜嫄。而生后稷。次妃有娥氏之女。曰簡狄。而生契。

次妃陳鋒。史五帝本紀索隱引作鄭。

氏之女。曰慶都。生帝堯。下妃嫫毘氏之女。曰常儀。生摯。

詩生民正義。藝文類聚十引與。詩正義略同。御覽一百三十五。

引有脫字。帝嚳上妃有郤之女。曰姜原。史外戚世家索隱。路史後紀注引嫫毘為上妃。

宋衷曰。高辛地名。因以為號。嚳名也。史五帝本紀索隱。

帝堯。

堯是黃帝曾孫。書堯典正義。黃帝生元囂。元囂生僑極。僑極生帝嚳。帝嚳生堯。全上。帝堯為陶唐氏。書五子之。帝堯。歐汪義。

世本

九

娶散官氏之子。謂之女皇。御覽一百三十五。女皇生丹朱。路史後紀注。

宋衷曰。是生丹朱。御覽全上。

帝舜。

舜是黃帝八代之孫。書堯典正義。舜為高陽五世孫。路史後紀注。顓頊生窮係。史三代世表索隱。

宋衷曰。一云窮係。諡也。史索隱全上。

帝舜有虞氏。路史後紀注。配以盲姪以啓。從上增。史帝紀索隱引女嬃。盲即娥皇。字娥姪。啓即女英。路史全上。

舜時西王母獻白環及玦。藝文類聚六十七。文選景福殿賦。與陳伯之書注併引世本。玦作佩。

夏。

顓頊生鯀。山海經海內經注。鯀為顓頊子。史夏本紀索隱。鯀娶有辛氏。謂之女志。是生高密。全上。御覽一百三十五。



宋衷曰：高密，禹所封也。史索隱全上。

顓頊生脀，脀生高密，是為禹也。玉篇骨部。路史後紀注引脀生高密，是為禹。宋曰：禹之封國。禹娶塗山氏，名女媧。史夏本紀。索隱路史後紀注引女媧作后媧。

啓，禹子。書益稷正義。

帝杼。史夏本紀索隱。

帝芬。全上。

帝降。全上。

帝皋生發及桀。全上。帝皋生發及履癸，履癸一名桀。史三代世表索隱。

宋衷曰：帝皋墓在穀南陵。史全上。

殷。

世本